



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 136. Opera Trithemii, ejusque controversia de Conceptione B. V. Mariæ.

[urn:nbn:de:hbz:466:1-66444](https://nbn-resolving.de/urn:nbn:de:hbz:466:1-66444)

Sæcul. XV. dam libros, atque inter ceteros succin-
 A C. 1494. etum tractatum de modo confitendi Bre-
 sciae Anno millesimo quingentesimo qua-
 dragesimo secundo typis editum, neconon
 quosdam sermones Italo idiomate con-
 cinnatos unacum opusculo de perfectio-
 ne vitæ Christianæ, quæ omnes Bernar-
 dini elucubrationes typis excusæ pro-
 stant.

§. CXXXVI.

*Opera Trithemii, ejusque contro-
 versia de Conceptione B. V.
 MARIÆ.*

Moguntinis etiam literis hoc anno im-
 pressus prodiit liber de Scriptoribus
 Ecclesiasticis, quem septem annorum la-
 borem Joannes Trithemius ad hunc us-
 que annum protraxit, Auctores, quos
 annunciat, succinto elogio commendat,
 eorumque opera, ac in toto Catalogo
 nongentos circiter septuaginta Scriptores
 recenset. Hoc opus diversis postmodum
 temporibus Parisiis, Coloniæ ac Basileæ
 denuo impressum fuit.

Hist. Univ. Hoc eodem anno Joannes Trithe-
 Paris. to. 5. mius publici juris fecit tractatum de lau-
 p. 81x. dibus D. Annae, ubi in capite septimo de
 imma-

immaculata Beatæ Virginis conceptione Sæcul. XV.
sermonem ingerit; hanc ejus sententiam A.C. 1494.

quidam ex familia S. Dominici, nomine ^{Argentre} Wigandus Francofordiæ impugnavit, ^{coll. judic.} pluresque epistolas adversus Trithemium p. 331.

vulgavit, atque occultato suo nomine feso *Pesantem - manum* appellans, ignoto bajulo illas ad Trithemium transmisit. In hisce literis Trithemium, quasi de Conceptione B. V. perperam sentiret, insimulat, ac nimia verborum vehementia objurgat, cui Trithemius respondens Dominicanum asperis omnino verbis confutat, perinde acsi de fidei articulo res esset, eidem Dei iram ac vindictam, nec non æternam ferme damnationem comminatur. Cum hoc responso Trithemius misit virum quemdam satis eruditum, qui solerti dexteritate sua, quis sub nomine *Pesantis - manus* latéret, explorabat. Trithemius, quocum sibi controversia es-
set, intelligens, acrius adhuc adversarium suum impugnabat, nec feriabatur Do-
minicani calamus, ac solido ferme bien-
nio grande literarium inter eos bellum tenuit ambobus ingenti concitatione ul-
tro citroque decertantibus. Prævaluit tamen Trithemius, pluresque Viros lon-
ge doctissimos suæ sententiæ suffragan-
tes habuit, qui adversus Wigandum so-
luto æque ac ligato sermone calamus

Ss 3 strinxer-

Sæcul. XV. strinxerunt; denique vero per Universita-
A.C. 1494. tis Coloniensis Rectorem, quem ambo
contendentes summe venerabantur, con-
cordia restituta est, ita, ut Wigandus o-
pinionem suam purissimæ Conceptioni
B. V. M. contrariam revocaret, veniam-
que temeritatis suæ a Trithemio peteret.
Nihilominus FF. Prædicatores in Curia
Romana sub Alexandro VI. Papa contra
Trithemium agere cœperunt, quam-
vis vani essent eorum
conatus.

FINIS TOMI XXX.



INDEX